

## APOFĂSI

Nr. 845, data 26.12.2024

### TI DEFINERA ALI COMPOZĂRI, FUNXIONILOR SHI ALI PROTSEDURI A COMISIONU TI XITĂSERA ALI CĂFTARI TI CĂNUSHTERA A UNEI PĂTSINIMI NATSIONALĂ

Tu andrupara a nodu 100 a Constitutsionu shi a punctu 3, a nodu 4, tu legea nr. 96/2017, “Ti apărara a pătšinimilor natsionali tu Republica ali Arbinishii”, cu pripunera a ministru di Interne, Consiliu a Ministrilor,

#### APOFĂSÍ:

1. Căftara ti cănushtera formală a unei pătšinimi natsională ca dupu punctu 1, nodu 4, tu legea nr. 96/2017, “Ti apărara a pătšinimilor natsionali tu Republica ali Arbinishii”, si paradá di grupu a politadzlör tsi compoză stri 1% a numuru general a politadzlör cara aru statăsia arbinushiască tu Republica ali Arbinishii, cara pretendu, că pricadu tu ună pătšinimi. Aistă căftari si prezentă aproapia di Comisionu ti Cănushtera a Pătšinimilor Natsionali, cara si scoallă aproapia di ministeru responsabil ti lucrili interni (tu continuitati referată ca “Comisionu”).
2. Documentatsionu ti cănushtera formală a unei pătšinimi natsională si compoză di:
  - a) Căftara sumgrăpsită di cathi membru a grupu tsi pretendi că pricadi tu pătšinimia natsională cara aru scăpo ta si cănoastă;
  - b) Formularu individual a autodeclararilji ti cathishun di politadzlji tsi aru firmusită ca dupu grama “a”, ti cănushtera a statusu a membru ali pătšinimia natsională, ca dupu anexu 1, diadunligată ashtäljei apofăsi.
3. Comisionu si guideshti di viceministru a ministeru ancărcatu ti problemili interni shi si compozăshti di:
  - a) unu representant di Directoria Generală ali Stături Tsivilă, tu ministeru responsabil ti stătura tsivilă;
  - b) unu representant di ministeru responsabil ti kivernisia locală;
  - c) unu representant di ministeru responsabil ti problemili interni, ancărcat’u cu lucrili legali;
  - ç) unu representant di ministeru responsabil ti apărara sotsială;
  - d) unu representant di ministeru responsabil ti lucrili externi;
  - dh) unu representant di ministeru responsabil ti clirunumia culturală;
  - e) unu representant di Directoria Generală a Archivilor;
  - ë) unu representant di Academia a Shtintsilor;
  - f) unu representant di Institutu ali Isturii, tu Academia di shtintsi;
  - g) patru reprezentants di Comitatu ti Pătšinimili Natsionali, iu unu di năshi esti reprezentantu a pătšinimia natsională tsi caftă ta si cănoastă, ca dupu cazu;

- gj) trei reprezentants di asutsata tsivilã, pripunits di Comitatu ti Pãtsinimili Natsionali, di arãdzli a organizatsioanilor nukivernisiari cara lucradzã tu padia a ndrãptãtslor a personjlor tsi pricadu tu pãtsinimili natsionali.
4. Comisionu, ti adãrari activitatie a lui si andoaprã di secretariatu tecnic, cara esti responsabil ti organizara a lucru, s'asfãlãsiastã comunicara cu paradatslji a cãftarilor, s'coordiniasã lucru anamãsa di institutsioanili responsabili shi ti tsido altã ancãrcãturã anangheã ti bunãdutsara a activitatu a Comisionu;
  5. Secretariatu tecnic si guideshti di unu di reprezentantslji a ministeru responsabil ti problemili interni shi si compozãshti di patru membri ca cama hima seguã:
    - a) Doi reprezentants numãsits di titularu responsabil a ministeru ti lucrili interni;
    - b) Unu representant numãsit'u di titularu responsabil ti problemili locali;
    - c) Unu representant numãsit'u di titularu a Comitatu ti Pãtsinimili Natsionali.
  6. Reprezentantslji a a institutsioanilor definiti tu punctu 3, di'ashtãljei apofãsi, sãnt'u a patu anal'tu di guidari.
  7. Comisionu xitãseshti cãftara reprezentatã ca dupu punctu 1, di'ashtãljei apofãsi shi vedi ãmplinera a critirlor legali nintidefiniti tu punctu 1, a nodu 3, ali legi nr. 96/2017, "Ti apãrara a pãtsinimilor natsionali tu Republica ali Arbinishii", shi documentatsionu prezentat'u ca dupu previderili tu nodzlji 6 shi 7, di'ashtãljei lege.
  8. Comisionu xitãseshti cãftara prezentatã ca dupu punctu 1, di'ashtãljei apofãsi, nuntru di 9 (nau) meshi dit dzua a aprukiarijlji di ministeru responsabil ti problemili interni.
  9. Ti xitãsera ali cãftari, Comisionu culucradzã cu tuti institutsioanili publichi tu patu central, ca dupu regulili nintidefiniti cu apofãsia nr. 867, data 10.12.2014, a Consiliu a Ministrilor, "Ti protsedurili a culucrarilji cu institutsioanili ali administrati statalã", allãxitã.
  10. Apofãsia si argumenteshti shi si comunicãshti a grupu a politadzlør i a reprezentantu autorizat'u di nãshi, tu concordantsã cu nintividerili a Codu a Protsedurilor Administrativi. Contra di apofãsia a Comisionu ti refuzara ali cãftari ti cãnushteri pãtsinimia natsionalã poati si adarã pllãndzeri aproapia di giudicolu competent di disligara a disacordlor administrativi.
  11. Comisionu garanteshti transparentsã tu realizara a activitatie a lui, tu acordu cu legea nr. 119/2014, "Ti ndrãptatie a informarilji", shi programu ali transparentsi, publicãndu activitãtslji a lui tu fatsa ufitsialã a ministeru responsabil ti problemili interni.
  12. Tu cazuri cãnd'u Comisionu apofãseshti aprukiara ali cãftari, pitretsi pripunera la ministru responsabil ti problemili interni, asutsat'u cu relatsionu argumentat'u ti seguira a protsedurilor ti cãnushtera formalã ali pãtsinimi natsionalã.
  13. Ministeru responsabil ti problemili interni adarã proiect-legea ti cãnushtera formalã ali pãtsinimi natsionalã shi prãpuni proiect-apofãsia corespondentã aproapia di Consiliu a Ministrilor, nuntru di 60 (shaidzãts) di dzãli di prezentara ali pripuniri di Comisionu.
  14. Si ncarcã ministru responsabil ti problemili interni, ministerlji shi institutsioanili prevãdzuti tu punctu 3 ti executara ashtãljei apofãsi.  
Aistã apofãsi intrã tu fortsã dupu tipusera tu Cartia Ufitsialã.

PROTUMINISTER

**Edi Rama**

*Andrãptatã a Comisionu aproapia di Ministeru di Interni*

FORMULARU A AUTOIDENTIFICARILJI A INDIVIDU, A POLITU ARBINESH  
TSI PRETENDI CÃ PRICADI TU UNÃ PÃTSINIMI NATSIONALÃ

-----  
**(pronuma, numa)**

-----  
**(numa al tati)**

-----  
**(numa ali ati)**

-----  
**(data di amintari)**

-----  
**(lucu di amintari)**

-----  
**(stãtura tsivilã)**

-----  
**(nr. ali carti di identitati)**

-----  
**(locu di bãnari actualã)**

-----  
**(pãtsinimia natsionalã iu pricadi)**

-----  
**(avets adãratã allãxeri di numã i pronumã?)**

-----  
-----  
-----  
-----

**(caracteristici spetsiali culturali, etnici, limbistichi, religioazi i traditsionali, ca  
dupu nodu 3, ali legi nr. 96/2017, “Ti apārara a pātsinimilor natsionali tu Republica  
ali Arbinishii”)**

---

**(numa, semnara)**